

靈寶願教濟度金書卷之二百九十 伏

洞微高士開光救苦真人齊金其授

靈寶通玄弘教水南先生林靈真編

誥命等組品 開度月

給符文式

凡給付用厚黃紙高一尺二寸闊一尺八寸每符作一幅惟金書寶誥及二籙用標軸裝背如官誥樣升天券文則隨券大小為則也

救苦真符

長生靈符

二符式用梓木簡青紙封背書給付亡故

某人靈寃

九龍符

右符用青紙朱書前一行符名下書給付

某人靈寃外以束腰封之

中元金書寶誥告文

中元金書九天寶誥

書符

上帝符命宣告三官天牢地獄主司大神拔

度某人靈寃咸願符命部衛形寃上朝帝庭罪仇和釋冤債消沉與道合并神登玉闕受錄更生一如告命風火驛傳

太歲年 月 日於黃籙齋壇告下

具位姓某承誥奉行

太上生天寶籙

太上生天寶籙

謹據鄉貫以今錄度事畢部衛上生合依

式傳度太上生天寶籙持為身寶永離鬼

官寃度朱陵受錄更生是謂無量普度無窮者

符文

符文

右奉太上生天寶籙拔度某人靈寃自昔劫

以來至于今日所造惡業或心生或口語或

自作或教他積劫以來所犯三業六根一切

種種罪業並與疾除罪薄落滅惡根從元始

符命原釋即使某人靈寃七炁成真風火

驛傳

太歲年月日具位姓某承誥奉行

天師全衛

聖師東極大慈仁者尋聲赴感太一救苦天尊祖師萬劫應化真元教主太平金闕前聖慶雲天君

右同寶誥式如淨供中用無量數或一萬

或數千幅頭行寫太上生天寶籙下寫給

付六道四生孤寃滯寃諸類傷亡等眾次

寫六星四諱不用下面大符後告文云太

上生天寶籙告下寫曾拔度六道四生孤

寃滯寃諸類傷亡隨品受生托化人天一

如告命年月告下奉行此式宜印造以木

朱印之若淨供普度有姓名者則逐人填

極給付後面告文改云拔度某人靈寃前

面給付改云給付亡過某人靈寃可也如

無姓名只依拔度道場式用又有只用下

面大符除去上面六星四諱前書曰太一

生天寶籙後書右奉太一生天寶籙拔度

某人靈寃自昔劫以來至罪業並從太一

救苦天尊符命原釋出離幽夜隨品受生

托化人天一如告命風火驛傳係青玄黃

籙齋用之給付耳大凡給付及告行諸符

籙集中所載多是正度若用作給付用則

逐件當改給付某人靈寃作給付六道四生孤寃滯寃諸類傷亡若作告行用則逐件當改拔度某人靈寃作拔度六道四生孤寃滯寃諸類傷亡不可不知

運明詰

運明寶元玉誥

書符

右奉元始上帝敕下東極注生官真人與所度其人靈寃去諸惡孽隨品受生人天二路畜道莫生鬼趣三塗俱登道岸誥下準行

太歲年月日告下具位姓某奉行

聖師東極青玄老君太救苦天尊運明保元上帝聖祖太上無極大道虛無自然元始天尊妙無上帝

右用青紙同寶誥式

大九龍符

右奉太乙救苦天尊敕告下三官九署十二河源泉曲之府北都羅鄴冥關幽扁九州社令某方某獄主者萬神拔度某人靈寃永離長夜覩見光明刀化玉樹劍變霖林火翳春温寒池陽生惡根斷絕神升朱陵超凌三界

道遙上清一如告命

太歲年月日告下具位姓某奉行

太一玉帝托生真符

右奉太一玉帝敕久滯幽陰不得托化沉寃乘茲符力人間天上隨果受生主者恭依帝敕施行一如告命

太歲年月日告下具位姓某奉行

右二符並用青紙符朱書文墨書前一行

書符名下書給付某人靈寃外以束腰封

太一救苦救生救死超度朱陵真符

天尊救苦仙道貴生上開八門飛天法輪普受開度死寃生身上詣丹霞丹天炎光世界朱明國土重陽宮中朝謁天官超度朱陵流火神庭火鍊池中火膏治鍊蕩除塵垢受化更生紅蓮花上得為初學天人一如告命

太歲年月日告下具位姓某奉行

右用黃紙依前九龍符式前一行符名下

書給付某人靈寃外以束腰封之

太上九幽赦罪超生真符

右奉上帝敕普告三界無極神鄉至道遙上

清一如告命

太歲年月日告下具位姓某奉行

南昌度人監生真符

右告下南方丹天世界朱陵火府南昌上官長生大君韓君司馬司命司錄延壽益算度厄尊神迴骸起死監生大神超度某人靈寃請滅三惡斬絕地根至無拘天門一如告命

太歲年月日告下具位姓某奉行

右二符並用黃紙符朱書文墨書給付如前外以束腰封之

玉清開道路命魔前驅真符

右奉元始上帝敕真符開通前驅命魔其人靈寃出離冥途飛空駕景上登仙都敢有遏截郵刑速誅天門守吏部衛無虞隨果超生三光同車一如告命

太歲年月日告下具位姓某奉行

玉皇寶誥

右奉金闕玉皇上帝寶誥度脫某人靈寃超度玉京伏請靈寶至真十方上聖依靈寶度人之典施回散起死之功救下九幽苦寃開

泰頒行諸地苦爽霑恩主者奉行一如告命

青玄齋號

右奉東極青玄上帝齋號度脫往生超度三
寬告十方無極世界地獄冥司拔除罪籍
贖命幽都萬神敬從永無拘繫乘天尊慈命

托質仙都常居樂境主者奉行一如告命

右三符並用黃紙符朱書文墨書內齋號

用青紙並朱書前一行書給付如前外以
束腰封之

青玄移籍券告文

給付某人靈寬伏遇太平清時高上道風威
披大慈之澤得離幽關聽受正教解悟道心
洗滌塵垢氣穢俱清將升妙道之鄉不忘太
上道君至尊上帝無上丈人太一救苦青玄
老君之恩願隨司福移注生名上係真籍不
落惡趣永劫長生崇奉大道一聽戒命

太歲年月日於黃籙齋壇告下

且位姓某承誥奉行

右用碧紙方九寸正面朱書券背面黃紙

墨書文以絳囊盛之青絲掛幡上給付如

式

仙寬合同天文

右告下諸天諸仙真官闕洞天福地靖廬陰
治陽治五嶽上官羣仙官闕開度某人靈寬
身歸妙系籍上仙階脫苦輪迴超生樂土一

如大慈大悲聖券告命奉行

太歲年月日告下具位姓某奉行

右用青紙方九寸兩面白書給付如式

青玄溥度大券

朱陵上宮上玄上靈中有度人無極之神南

昌上官老君帝真萬系度命朱陵大君大慈

德化洽度玄冥隨系通流正道無窮法上玄

明超度諸方億劫罪寬從今一行即便照應

萬法俱靈濟度無窮上生朱陵使揚玄風以

承正道太上玄言普為奉行一如告命

昇天左右二券

敕制地祇侍衛送迎某人拔出地戶至受鍊

更生過度三界上升南宮一如告命

太歲年月日告下具位姓某奉行

右用青紙方五寸朱書面書符背書文給

付如式

玉清敕制地祇真券

敕制地祇侍衛送迎某人拔出地戶五苦八
難七祖升遷永離鬼官寬度朱陵受鍊更生
過度天門執送南宮一如告命

太歲年月日告下具位姓某奉行

右用青紙方九寸兩面朱書絳囊盛給付

如前式此券本為得道之人飛昇日帶世

人不許借用若其人精勤修鍊未能升舉

身經太陰亦許告行

靈寶升天寶券

升天寶券給付某人靈寬佩服升天上朝帝

庭急急如律令

太歲年月日告下具位姓某奉行

右用青紙方五寸兩面朱書給付如式

拔度亡寬升天券

右券追度某人靈寬鍊度登真上升道境一

如告命

太歲年月日告下具位姓某奉行

右用青紙方七寸兩面朱書給付如式

長生度命黃錄

太上洞玄靈寶長生度命無上黃錄
維某年太歲某月朔某日某鄉貫某人伏為
入齋意今就黃錄齋壇乞傳授


某人靈寬齋執過度三界超升九天謹按經
云元始天尊昔在九清妙境三元宮中與諸
天聖眾數弘至妙開化人天標紀善功注名
黃錄金榜玉簡陳列三清一一地獄皆見十
方救苦天尊入於九幽地獄拔諸罪苦天尊
普告四眾汝等若能受持金錄白簡九真妙
戒救苦真符長生靈符當消九幽大罪標名
九官察命童子護戒威神五帝直符六官掾
吏自當隨逐簡文覆護受戒弟子今當為汝
演說九真妙戒金錄白簡受持功德難可思
議眾真稽首伏聽敕命
天尊告曰一者克勤忠於君主二者敬讓孝
養父母三者不殺慈救眾生四者不淫正身
處物五者不盜推義損己六者不嗔凶怒凌
人七者不詐諂賊害善八者不驕傲忽至真

九者不二奉戒專一


護戒威神



元一太素君度
太華紫府君度
無英白元君度
木一司命君度
太一司命君度
北錄定錄君度
天河東井錄度君度
元一太素君度
太華紫府君度
無英白元君度
木一司命君度
太一司命君度
北錄定錄君度
天河東井錄度君度
元一太素君度
太華紫府君度
無英白元君度
木一司命君度
太一司命君度
北錄定錄君度
天河東井錄度君度
元一太素君度
太華紫府君度
無英白元君度
木一司命君度
太一司命君度
北錄定錄君度
天河東井錄度君度
元一太素君度
太華紫府君度
無英白元君度
木一司命君度
太一司命君度
北錄定錄君度
天河東井錄度君度



子童令察
救苦真符 告文 用天篆



神大生監 命品君帝 神尊死起厥迴 長生靈符 告文 用天篆



天八



十



右受度某人靈寃即日恭詣

黃籙齋壇拜受

太上洞玄靈寶長生度命無上黃籙一階如法受持永充濟拔人間天上敬信奉行一如玄科律令

太歲年月日某處黃籙齋壇給

攝行度師具位姓某押

太上洞玄靈寶長生度命無上黃籙

赤明開化元始披圖混合自然成章成象瓊書玉篆悉結為形上度生身長存下濟幽寃

起度仰蒙道蔭永荷玄恩今為入卿貴齋意開度某人靈寃拜受

無上明真玉璽南昌上生黃籙一階以悟真

諡謹上請

南昌上生鍊寃君度 南昌上生鍊寃君度

南昌上生鍊形君度 南昌上生好生君度

南昌上生鍊神君度 南昌上生度生君度

南昌上生上生君度 南昌上生鍊真君度

南昌上生化生君度 南昌上生鍊胎君度

南昌上生受生君度 南昌上生火鍊君度

南昌上生注生君度 南昌上生保命君度

南昌上生保制君度 南昌上生生根君度

南昌上生流火君度 南昌上生保全君度

南昌上生注壽君度 南昌上生判生真度

同垂巨澤受度某人靈寃上資往生徑陟南

宮化生人天寃神解悟一合來下咸乞護持

玉清三天寶籙

告文作上帝神符告聞諸天

九天金書寶誥

告文

出離生死真符

告文

玉清玉簡真符

告文作上帝玉符上開八門

玉清金簡真符

告文

右南昌上生黃籙普告三界無極神鄉泉曲

之府北都羅鄴三官九署十二河源上解祖

考億劫種親疾除罪簿落滅惡根不得拘留

逼合鬼羣一如告命風火驛傳

太歲年月日於某處黃籙齋壇給

攝行度師具位姓某押

右給付正度亡寃並如前籙

昇度幽寃超生左券告文

右券度幽寃用之以厚黃紙方七寸並用

朱書以絳紗囊盛之

右昇天左券付九州分野一切幽寃等眾不

以罪業輕重拔擢沉寃調理陰陽制魔保舉

度品南宮死寃受鍊仙化成人承此左券符

命徑詣天門守衛諸神不得邀遏速超天界

一如告命風火驛傳

太歲年月日告下具位姓某奉行

昇度幽寃超生右券告文

右昇天右券付九州分野一切幽寃等眾不

以罪業輕重拔擢沉寃調理陰陽制魔保舉

度品南宮死寃受鍊仙化成人承此右券符

命徑詣天門守衛諸神不得邀遏速超天界

一如告命風火驛傳

太歲年月日告下具位姓某奉行

昇度水溺亡魂左券告文

右昇天左券付水溺亡鬼冥冥長夜泉曲河
源一切溺死等衆不以罪業輕重拔擢沉鬼
調理陰陽制魔保舉度品南宮死鬼受鍊仙
化成人承此左券符命詣天門守衛諸神
不得違遏速超天界一如告命風火驛傳

太歲年月日告下具位姓某奉行

昇度水溺亡鬼右券告文

右昇天右券付水溺亡鬼冥冥長夜泉曲河
源一切溺死等衆不以罪業輕重拔擢沉鬼
調理陰陽制魔保舉度品南宮死鬼受鍊仙
化成人承此右券符命詣天門守衛諸神
不得違遏速超天界一如告命風火驛傳

太歲年月日告下具位姓某奉行

二錄券式

右券如宗壇券式闊九寸高五寸朱界中

大字篆書其錄合同券契右邊自外邊起
書直抵合同券契其文云

維太歲某年某月朔某日某鄉貫伏為某親
年月日時身亡即日謹齋法信詣某法師壇
下崇建

無上黃籙大齋五晝夜用伸為拔仍傳授某
籙付亡故某人受持奉行永為身寶不敢怨
道谷師輕泄怠慢如或負的一休
玄科律令

右邊亦自外邊起書倒寫至合同契券佳

臨交度時以刀截中央篆文作兩去其環
用錫為之上開窟度命其錄三界所宗受
持勿怠惰環無終其一同右券付亡人其
一同左券法師自收並如宗壇式

普度給付

上清靈寶玄壇

恭奉玉格翻給諸真開度符命付受度亡
鬼請減三惡斬絕地根飛度五戶名列太
玄魔王監舉無拘天門具列于后

青玄普度大券 超度朱陵真券

太上拔罪解冤真符 青官救苦九龍符命

太上生天寶錄 東極運明保元玉誥

太上玉帝托生真符

右給付受度某人靈鬼解釋罪對蕩除冤憎
敬奉修持永為身寶不經苦惱常觀光明一

如律令

太歲年月日於黃籙普度齋壇給

具位姓某承誥奉行

普度給黃籙式

太上洞玄靈寶長生度命黃籙

元始天尊普告四衆曰汝等若能受持黃籙
白簡九真妙戒救苦真符長生靈符當消九
幽大罪標名金榜列字玉清察命童子護戒
威神五帝直符六官攝吏自當隨逐簡文覆
護受戒弟子今當為汝演說受持功德難可
思議衆真稽首伏聽教命

洞玄靈寶九真妙戒

元始符命黃籙白簡救苦真符

元始符命黃籙白簡長生真符

右受度某人靈鬼即日恭詣

靈寶玄壇拜受

太上洞玄靈寶長生度命黃籙一階佩奉修
持永為身寶不經輪轉常得道適一如

靈寶無量度人律令

太歲年月日於黃籙普度齋壇給

具位姓某承誥奉行

青玄齋合用

錄功符告文

無上至聖太一度生功勳錄紀典格昭明領
寬登真上造帝庭天心變化書名朱陵一如

告命

監察符告文

太一迴骸保仙監真生有善業察校精勤合
生仙道保舉誠臻得超夜府形神飛騰一如
告命

右二符並青玄書摺角封如常

元皇敕赦血湖用

三天門下泰玄都省

今月某日奉

上帝敕命為具位某人奏據齋意伏候敕旨

事降付本省特依所奏頒行

元皇敕赦靈寶符命流光真符玉元滂淋血

湖真符原赦開度以今準式告下者

右奉

元皇敕赦留此二字法師啓告下三官九府

六洞九官五嶽羅酆泉曲無間硤石血湖諸
大地獄應千考校產寬去處原赦正度某人
靈寬及血湖見禁產亡一切女寬自昔劫以
來至于今日母子相刑冤家執對第相纏繞
死入血湖幽閉冥關備苦毒動經億劫不

親光明元皇慈悲特與原赦今識宿命難苦
超生其有生存之時追諸惡業或手弑君父
不孝二親或誹謗大道背真就偽或傷殘兄
弟謀反師尊或六親通同淫犯骨肉或為劫
盜殺害人命或屠割眾生自饒一身或以強

凌弱以貴虐賤或浮好三寶執心不專或輕
慢法師穢賤靈文心懷陰賊安忍嫉妬或惡
口兩舌鬪亂善人或殺生淫祀裸露三光或
心生或口語或自作或教他積劫以來所有
諸罪並與疾除罪簿落滅惡根不得拘留時

刻升遷即使係薦某人靈寬普及血湖見禁
產已一切女寬七炁成真六儀運虛五靈續
絕二曜扶衰旋網躡空飛步雲宮胎胎有始
億劫無終金城孕質玉洞凝神真炁內養以
成真人上入太虛下洞幽泉雲宮寶閣中有

真寬出入福鄉周旋生門咀嚙靈芝灌漱金
泉甘露川流懸注丹田紫霞朝映三炁凝煙
瓊室化仙安坐金蓮真儀掩日塵劫為年一
如告命風火驛傳

右血湖赦前連粘玉元滂淋血湖真符
後用厚黃紙大書告文後年月某處告下
承誥奉行後具八銜一依寶籙格式可漏
背面大書元皇敕赦告下十方血湖幽獄
神司拔度係薦某人靈寬及見禁產死一
切女寬正面大書法師銜位姓名承誥奉
行謹封差日直天丁馳送

太上破血湖獄告文

太上破血湖無間地獄真符告下北都羅酆
大小鐵圍無間血湖一切地獄拔度某人靈
寬滌除血穢清淨身形靈符赦宥鍊質清神
出離無間親見光明元皇有赦不得拘留翻
體大神擲尸神王食心啖腦鬼王牛頭獄卒
急准奉行一如告命風火驛傳

右用梓木作簡一依救苦符式告行

太上透天關符告文

鬱羅回耀 剖判鴻濛 驛騎同馳 御景揚空
誠通紫極 澤被羅鄩 今日上奏 丹悃朝宗
風馳電響 躡雲策龍 萬神森衛 敢不嚴恭
一如告命 風火驛傳

罡風騎置吏告文

三天女青 憲令昭宣 黃中策炁 摧滅凶烟
罡風浩炁 翼衛函牋 敢有拒截 捕戮無蠲
流鈴鈴落 八威驅前 肅清靈路 玄澤昭天
一如告命 風火驛傳

右二符用薄黃紙全幅朱書符墨書告文

年月日告下承諾奉行如式

玉札告文

天一北祚符命太一紫元神文北魁玄冥混
元玉札告下無極神鄉北都羅鄩九幽六洞
鐵圍無間破石血湖地獄追取產死某人靈
寬徑離所部速詣玄壇參朝上帝祇領天恩
神虎奉命萬神敬聽一如告命風火驛傳
右如常式方函書告下無極神鄉北都羅
鄩鐵圍無間破石血湖主者萬神

曲赦產寬符告文

靈寶符命曲赦產寬真符告下鐵圍無間破
石血湖幽獄濟度產死滯魄罪寬消除寬對
蕩滌血湖滓塵俱淨垢穢無餘寬調泰身
神清虛沐浴冠帶穢污盡除剋期受鍊上升
玉都冥官主者不得拘留某人靈寬乘茲符
命出離冥途元皇告下與道合符一如告命

右摺角封如常式

大赦產寬符告文

靈寶大赦產寬真符奉

上帝赦大赦產死罪寬某人一切宿愆即得

生化一如告命

右係飛告以下准此

監生真符告文

靈寶監生真文告下監生大神保胎聖母催
生童子奉為某人靈寬及一切產亡子母未
分等寬解釋冤纏調順經絡生宮流轉子藏
疎通胞胎分離腹中空暢形寬輕快于母周
圓蕩除血穢形體自然萬神速復脫化人天
一如告命

蓮頭破胎符告文

太上符命告下蓮頭二大將拔度產難母子
俱亡胞胎未分等寬速與和合陰陽疎通炁
血身有死胎即得破蕩急離身急去身五體
安靜一身澄清一如告命

出胎符告文

太上符命宣告監生主執聖衆上體元皇好
生之德下矜胞胎身亡產寬之苦真炁流注
百脉開通助生速生密運神功于胎離體毋
身加豐蕩除垢穢未裹俱全形復質解對
除兇元炁飛鍊上朝仙宗一如告命

皆得生成符告文

靈寶符命普濟幽冥已生未生皆得生成全
陰之粹受陽之精根原本始一時復神某人
靈寬乘茲符命蕩除垢穢保命生根一如告
命

監真度生符告文

靈寶符命告下奉為某人靈寬調理陰陽和
合四象三元森密九炁結形生宮大神榮衛
安寧天恩下濟監真度生得復天根聖母衛
寧一如告命

永度三途符告文

靈寶符命告下開度某人靈寃冤對宿結母子執連淪陷穢濁香重泉上帝有較厚澤昭宣監生大神保衛安全永度三途逍遙劫年一如告命

天醫使者符告文

太上符命告下天醫六職鷓鴣靈官請運靈芝玉晶五色神丹妙劑為某人靈寃拯治諸苦過絕邪源傷者為補虧者為全滋榮暢衛骨固筋連洗滌污穢五臟光鮮血尸起死白骨成仙一如告命

治病功曹符告文

玉清真王敕告下治病功曹降自九天為某人靈寃醫治胎產眾疾調和血氣平理陰陽臟腑利潤肌肉安強金液丹砂針砭膏湯急除萬病利貞無疆一如告命

醫母子俱亡符告文

太上符命告下天醫神仙官吏以神聖工巧神化玄壇之內產寃穢母子俱捐全胎未脫負冤終天天光下燭監生急宣形神潔清

真炁安全天醫聖藥救療安痊五臟空洞玉液延年萬化所被千災莫于一如告命

醫產死血尸符告文

太上符命告下天醫尚藥治病靈官以神聖工巧神化玄壇之內稟陰托質胎產陽生生根斷絕寃冤汚腥五行散失二炁飄零靈丹養命妙藥回精榮術調理衷安寧雲泉灌注祖炁流行死尸斷絕生門肅清百神森衛萬邪莫傾大道自然產尸利貞一如告命

全形符告文

靈寶符命告下奉為某人靈寃全形復質返真周元經絡周布臟腑光鮮百竅四肢九官三田金樓玉室混合自然萬體整備五神衛堅玉音攝炁靈風聚烟翔翔虛空上朝帝庭一如告命

元皇淨血尸沐浴真符告文

元皇淨血尸沐浴真符告下拔度某人靈寃出離幽獄蕩除血湖塵垢俱淨滓穢悉除產厭離身表裏清虛恩被洪澤下泱冥都今日沐浴玉液金波灌鍊形神逍遙自如一如告命

命

太上淨血尸清神符告文

元始淨血尸解寃釋結真符告下三界冥曹主者奉為某人靈寃消除罪垢釋和寃仇三生四負無量愆尤齊同慈愛永斷執留于母寃對從此和休上登陽境逍遙無憂一如告命

太上和釋寃對真符告文

太上符命和寃釋對真符告下無極神鄉三界主執原赦某人靈寃赦除囚苦解寃釋結永脫仇讎執對分別孽緣俱盡不生惡業出離寒庭罪根消滅一如告命

靈寶領教濟度金書卷之二百九十